



吳臯先生文集卷之二

絕句五言

讀北征錄

生來漢王宮識盡胡兒地
萬里絕狼煙一年苦龍騎
塵消蒼玉澗煙斷翠雲屯
王道如天大長驅不可頻

漢神君

已作神君異不忘凡女情
漢室失烈將何多太乙精

毛惜惜

吳昇文集 卷三
羨彼毛惜惜身卑志不流讀罷義娼傳終為偽署羞

厲德斯

尾斷雄鷄悲樹倒胡孫散壯哉厲生心介孤如澡盥
司馬公與父老講書

村翁依講席瓦杯薦菜羨天區神理浩不必難端明

杜鵑

巴樹啼痕舊蜀江帝跡疏千年留怨魄反覺讓來虛

錦鷄

綬吐碧雲色條盤朱鳥星誰言能自愛何呂溺清泠

雜述

山家觸暑去賈客枕花眠只嘆荒岩苦誰歌採蠟篇
廟朝原惜才天壤不相離臨軒送宰執說是漢官儀
同胞寡宿離避影含深思答麻中脫脫誰賦蝦蟆詩
偽朋空烟戒落節犯公言王沈豈不達抱羞承旨門
虎臣張仁愿虜腹築三城拔去拂雲祠突厥無南兵
朝讀詰鳳篇暮誦誅蚊賦正氣臣之常乾坤安可仆

吳臯文集 卷二
田乞散民粟盧杞奏官豕幽幽一假山蜀公聞奧旨
虹梁借玉芝龍鼎飾金鉉嫉才竟何心未饗鶴鷄膳
賢路苦宿莽辟臺軒孤騫世多甘蕉郭誰為脩竹言
豪俠珍意氣偷忍其穿窬竒能不善使終作崑崙奴
勢族紛侵掠賢子乃守據是日蕭何家定居窮僻處
咿咿鷄伏鵠黃黃變化蛾因緣真念出物幻竟如何
何物金蠶蠱紛為桂海妖儻懷鄒閔節元命終莫搖

放鴈

萬里凌雲骨三秋繫帛書獨遭明月矢何日不啣蘆
嬉嬉玄渚鳥飄飄紫煙仙開籠一放汝只到上林天

雜画景

秀木含蒼藹靈泉掛碧峯興高看不極只欲跨飛龍
茅棟青峯合蓬莊綠水浮幾年鷗路去不可負初遊
白日如飛電紅顏不借人鴈行天萬里未可學逡巡
瑤木圍孤舍瓊崖嬌密花高風塵世外秋水玉無瑕
蒼鳩鳴萬松樹青江一草堂翻書向孤牖秋月坐涼涼

雲護稷丘宅花明謝傳山幾時人就辟飛步入燕關
贈純軒

花爛芙蓉江塵開驪裏路凝眸自成懽到手誰云暮
蕙樓摘澄藻蘭苑暢幽情我時削槐簡願爾取鴻名
鴻鵠慕九霄蜚蜩含五采抱汝蓬窓心不可負昭代

報國寺觀梅

留客坐金地尋幽上寶華熙朝多治蹟誰臭野梅花

文山寺

義骨歸吉州英魂飛燕市不得中山狂何能了大事

雜歌

讖鯤淡榮辱壺子齊生死猗嗟叩盆兒何能窺奧旨
參珉還作聖辨璞定錄神開眼紛如漆誰是相知人
寡思懲蟻漏指欲戒龍窘蕭然坐玄廬乾坤一混沌
宿昧刑名寔久淹刀筆林御史一賤後羞殺讀書心

行臺苦日歎

人皆苦日長我獨苦日短碎務蜂屯來愁心鷺窺緩

人皆苦日短我獨苦日長一身寢鬱病萬里客炎方

迎春曲

二十一首遙觀迎春
因感傷勞役而作

煙開錦官署花爛玉輪江聽罷春光好羈人坐獨惚
竹馬鬧童兒土牛驚節候占之無歲惡從此登福園
漁歌雜樵歌耕父兼賈父嬉嬉昇平遊宛如見太古
紅燄挂晴竿青韶動暄節當此羈縲官何能慰離別
腰鼓發黃鍾曇籠飄翠羽風土迥然殊王化同一矩
金勝迎蒼帝珠輪擁素蛾巴江無事日只唱葛天歌

伎倆騁雜態歌舞就餘嬌突如流星過誰說是紅綃
盤出播茶醞杯傳呷酒香流風元不惡自是一江鄉
化在文翁郡功高神禹村慙予無所補淑景不須論
喧喧門外走冥冥裏遘御史一苦海那知有芳候
瑤林飛彩日瓊蕊醉春風見相不著相纔知露電空
飄飄翠雲裳鬱鬱紅錦樹不是夢巫山恍如神女度
濃比丹毛鳧澹如白羽鳳同護勾芒來次第惜標弄
未脩鸚鵡句誰詠菩薩蠻塵勞無意與空自滯江關

纖纖青柳絲艷艷白玉珂震澤夸龍女天水避仙哥
狎遊萬夫狂遺訓一日澤况有東郊興聊從民所樂
馬牛春尚閑臺院忙如簇儻無勾斷心本來空面目
鴻鴈久如斷庭闈杳可傷御史絕人理誰云墜一常
慕涼翻違燠惡鬼迺遭魅可憐平生苦最少快心事
嶮嶮百勞署孤孤一病身只分驄馬籍半是業緣人
春風不知來冬月不知去非無對景心王事憂勞處

雜紀

凡夫獨取境智士獨取心一毛安測鳳玄理渺且深
東隣青豆房西隣赤華舍攝衛苦不能馳突空狗馬
韓母餌五葉楊母吞一錢慧種無九產名達有幾先
雄職終何補法局不自聊碧甕憐幽寂蒼崖恨苦齋
蓼蟲習苦叢桂嘉悅甘林命物懸定管哲人宜希心
徹擬軒后像勾銘范蠡圖見聖鮮由聖師心迺真謨
陽龍吟於天寒蚓吟於地人生各有適安可拘神志
禪人有禪侶鍊師有鍊徒無官御史臺勞勞一何孤

怨吏臨阨星浮生等懸露賞鑿是何人塵煩空行路
蹲烏躍陽波顧兔騰陰岑物色迅石火取適良可欽
行臺花根稀孤座禽聲半勞役無芳辰誰知懸羽炭
織緗照則暗飲瓊照則明嗟嗟鱗魚燈窳墮同一情
施子愛澄江嫫母嫌朗鏡好醜莫能藏要之求自淨
大腰元無雄細腰元無雌氣機自雜紛義節安可虧
士氣嫌拘局官履厭偏覽秤懸諸葛心斗橫姜維膽
駭是玉真娘疑是金釵盡迷貨竟亡軀烈士慎所取
葛洪妻鮑姑梅福壻嚴光至人元不偶取類各且方
龍錦非寸絲龜驪如迅火白首昧文根詞園一夢果
塵網苦不定夢境良可悲靈鶴帶鷓顏神鳳集鳩池

明妃

明妃命何薄脩容玉作花無金買畫手只索弄琵琶
紀夢

夢裏屑涕華御史獨苦楚書含子母思夜對鬼神語
行署生日

獨勞彥博思誰為馬超壽御史迷生日愁雲鎖長晝
立春

不見巴渝舞那聞戲靡聲牛神渺渺去空自歎浮生
說玄

諸色原非色諸相原非相事事一真心商周誰與亮
無心似有心有我原無我若得法王珍何緣而後可
塵起心隨起塵滅心隨滅認影終迷頭何處問真訣
燕雀不生鳳狐兔不育麟顛倒渺互用翳我凡籠身
澆書無暇晨攤飯無暇午疲此蓬塊形安得向寧宇
夢入關王祠告曰苦蹟因覺而書之

金帶補

唐皇幸蜀偶值村婦解
金帶賜之故今存名焉

村婦是何人贏得天子帶還侶愛玉奴不恤中原害
巴西四竒

陽采爍大明炎輝屬隆漢不覩臨邛跡何呂徵異苑

右火井

玄寶開晉山白雪飛吳地若非道陵訣安得溥民利

右塩井

我愛捷為江神液濟天宇流向緬夷石膏分蘇合樹油
玉糝不待人金色仍自天勞勞綠草岸愧愧白雲篇石井

同李當陽大河夜坐浴溪寺

昨日覆舟山今日浴溪寺安得學無生迺脫塵勞事
夜靜尋金粟山涼坐玉屏道情一相感不下李延平

六言

紫曲青門車馬烏巾綠鬢僧尼往代一番穠俗明家化
軌熙熙

悲園貪罔橫啓罷夫羸老潛悲仁聖天王上屬觀察使
者下窺

紀哀

風樹雨花寂寞麻冠繩履漣沔荀顛心同嬰孺孫生塵
合函帷

素幄蕭蕭霜入黃墟渺渺雲重讀禮魯吳灑泣宅憂吳

氏毀容

落日江樓鴈叫凌晨山屋雀飛思與六時不斷淚和九
飯長揮

白壁爭喧絡繹青松倒掛獼猴耳目慈闈迥隔乾坤薄
分添愁

何老三冬却絮桑虞百粒忘餐慈景乍遠修路殘軀頓
擲空嘆

孝鳥戀親反粟靈虵酬志銜珠雜類顛顛懿懿晴哲才烟
烟宏謨

漫書

龜歷千年瑞應鸞栖四塞歌揚點厲休屠未度長謀
馬勿荒

白豹文章霧化蒼龍膏澤雲行碩氏已論定命貢公尚
未遺榮

絕句七言

每與上

萬壽聖節得旨竊覽秘苑之勝因感允跡濫此恭擬近
體詩紀之無論辭拙也

璇波臺倚兔兒山永壽宮深仰 帝顏瑤景坊名高懸臨

日觀玉桃爭捧向天關

爾風亭畔省耕亭禁柳依依御穀生帝業艱難風義古

玉虛深處殿名五雲橫

涵碧亭高擁舜田昭和湖中殿名花鳥鏡中懸鴛鴦池上芭蕉

園名勝鳳輦龍舟樂萬年

呂公洞口百花然玉螭金鰲坊名御氣懸遼后樓名可憐

遺浪迹乾光圓殿改名新榜照星躔

騰禧官名宮殿碧嵯峨龍澤亭名濤連龍湫亭名波太液池西

望小艇何當天上泛銀河

翠芳亭接錦芳亭寶月亭名深深鹿鶴倚絕勝更瞻金海

處綠蘆青葦半沙汀

瑤水銀城奏九韶瑞光騰出鬱昭嶢太高殿名自護圓明

閣香繞玄爐焰赤霄

蒼龍門名東望紫芝軒皇史成幽 帝業存看到瑞雲名

宛轉處欽天閣名虞藻燭崑崙

戴熬魚坊名跨水映飛虹坊名乾運殿名凌雲亭名轉御風亭名佳麗

門名依稀龍德殿圖書深鎖永明宮

嘉樂館近環碧流重華宮名清華殿名紫氣浮呂水名梁遠繞

迴龍殿麗景門名高窺翔鳳樓

觀象臺春眺

銅渾玉儀九霞邊日月光涵天地懸一氣輪中千古合

周家曆數自綿綿

青城紫城半拂雲瓊宮珠關九霄分東風極目江山外

漢室何人淨虜氛

倭奴詞

滾滾倭舡海上來纔亂吳臺又越臺越卽侶玉半為鬼

吳女如花總作灰

魑魅兵戈拂海雲裸身禿首撼江濱屠城殺吏尋常事

蛇豕之心不忍聞

晉陽遼陽寇已極七團八團賊又生遂使
至尊臨秘苑坐憂豺虎幾時平

虎丘日日醉煙花西湖南屏鬧歲華無柰妖氛海上起
珠樓瓊館半沉沙

夷奴雄據守家樓

夷器名

舞箭飛刀海郡愁白苧城頭雲黯

黯烏龍泉口血如流

江頭兒女哭分離江上空懸白鵲旗五十七人江上橫
不知將領欲何為

燕京財賦在江關此日洶洶戰陣間天為

聖皇存社稷有時安石出東山

西蜀東魯盡徵兵魚魯晴開江上營將軍鵲印光如月
一舉樓舡靜海鯨

送貫溪羅子令棗強

山民憔悴水荒餘玉帝勞君銅墨書功業三年相望遠
雲霄萬里此行初

巴西文藻稱才子燕北循良見古人天門揖策休惆悵

柳色青青已近春

白鐵山頭寒影連紫微峰畔福星懸
人生得意在行道
宋相周崇千古傳

近京聊借出群才畿縣融融春色回
明主徵賢還側席
紫書不久鳳啣來

送登山劉子令涇陽

十年涑水動高名此日驅車出上京
西路行行無畏險
望夷宮處福星明

道情不改劉安世苦節已看元魯山
銅馬門西暫分手
好傳消息出秦關

東風

四十五十幾相知慙向東風坐欲癡
戀國却忘緣分淺
桃花洞口笑歸遲

感春

春色參差啼曙鶯露桃雲杏艷華京
不慙老大無情興
猶向危邊逐隧行

楊柳青青躑躅開風塵遊走愧蘭臺獨非玉貌宜金屋
悔入蛾眉班裏來

花滿燕山草滿洲暗風吹雨客生愁向人對語誰知已
烏府蕭蕭空白頭

詠吳革

率衆討邦
昌而死者

日暈風霾宋室傾頂擅騎馬哭青城只看金水門前血
羞殺秘書附范瓊

余函國關

清水之變妻妾子
女咸死馬傷哉

百戰雄兵已六年小孤山畔火欲然不緣城破漁人子
安得全家太史傳

綿州夜坐

露冷澄江丹墮楓風高曠野白浮鴻羈人萬里愁千緒
夢繞嵩山夜月空

遊仙辭

崑林仙伯赤松子神霄散吏白玉蟾渺渺靈蹤學不到
空教明月窺幽簾

長壽北山觀

徐昇翁煉所也同近臺張侍御竹崖李僉憲東崗余副郎三君登眺縣市

層疊居焉寔奇觀哉故賦云

石屋蕭森丹竈虛寶臺縹緲白雲居相逢不問刀圭事

只喜山田走糞車

峯頭列市雲千疊檻外長江天一涯聞說昇翁今不見

綠煙處處是仙家

同曾侯孟侯二分臬登眺岑公洞

古稱岑浩劫士也遺有石靈芝

在馬多唐宋人文感而有作

石勢橫雲開玉筍泉聲帶雨滴瓊芝仙人浩劫歸何處

鳥篆龍文空古碑

溪頭宛轉媚青田洞口穹隆坐碧煙觀察使君看不極

隔江樹杪萬家懸

麻叔謀

掘盡河邊狐兔原寧陵襄邑小兒寬不緣玉璽釀陰禍

媚主成功未可言

王岐公

月明珍殿賜瓊漿
宮物題來動上皇
贏得珠花人不寐
空誇翠黛悅紅粧

程伯子

手抄兔苑鼠銜書
鍊出金丹光浩浩
賢人豈不愛長生
乾坤殺機何可盜

懷心

翠木含輝照晚渠
碧雲流影掛寒廬
年來只有懷心事
隔斷慈親在寂居

雜畫景

珠樹瓊山繞石樓
練江飛渡木蘭舟
高人獨坐看奇勝
心向赤霄萬里遊

紫峰萬壘繡蓬莊
玉寶金波春渺茫
看盡人間山水勝
漢家司馬爛文章

海山圖

贈畫崗母
舅雙壽

竹屋松棚雙白頭
養鷄調鶴隱蓬丘
一峯波上春長在
蒼色年年賞不休

熊伯顏乃堂壽圖

仙島遙遙塵路分
紫英荏苒半和雲
近崖獨愛靈芝長
一片光含五色文

榮澤縣夜夢先母

夢魂縹緲見慈顏
千里相隨一夜還
栢署藤牀空淚眼
可憐涼月在重關

吳臯先生文集

律詩五言

河東祝

聖壽

飛帳丹霞爛
凌晨紫氣重
鸞旗懸晉水
鼙鼓動條峯
天外千秋節
雲中五色龍
使臣何所願
犬馬切華封

見報

皇太子出閣

三月青宮霽四歌紫禁喧前星明帝里少海出仙源日
照銅龍殿春生金馬門分坊此竒遇何以答 天恩

萬壽節

千秋元氣合九陞壽星扶瑞鶴依瓊砌文龍負玉圖香
隨蒼漢轉樂向紫雲敷擬上明君頌平倭與淨胡

朝天宮讌集

侍御馬疇李君安峰王君野亭羅君
念舊召飲移席小土山因而短賦述感

瑞靄三華樹涼飈八月時人從玄宇合席為紫臺移夜
語連金陸秋光動玉卮百年同此樂應不負相知

秋懷

日澹葡萄谷風高觀鵲樓龍沙初罷戰馬邑轉防秋天
地無終否豺豸有日收嫖姚古驍將應為漢王謀
秋風鳴絡緯日色下崦嵫水旱三江急兵戈六鎮危明
君元好諫執政在匡時漫擬龜山曲寧忘孔氏悲

苦熱

漢節千山外唐城六月時獨揮青塵尾誰浸白龍皮急
鳥依庭樹潛魚跳石池可憐忠義士炙背有餘思

冠袍無走處汗背蠅依依瘴氣青天動火星白日飛田
園愁歲惡士馬赴戎機苦憶人間事荒城正擣衣

鳥來

野興入無倪狂歌嵩嶽西層樓開栢府鶴圍灑挑畦落
日市聲斷薄雲山影迷蕭蕭臺院夕唯有鳥來棲

初雪

孤旅逢初雪行堂添舊衣風連銀象舞雲護玉龍飛瘴
氣銷玄谷寒光動翠微淹留人萬里何日問慈闈

出塞

辭闕天邊去忘家馬上飛霜戈橫玉塞星劍戍金微萬
里黃雲合六軍白草依休屠看不遠只欲繫鰲扉

入塞

鳴鏡漢王國回首胡人墟雙插一飛羽平穿七鐵猪鵲
旗收克汗虎旅淨康居喜入明光殿論功定不虛

月夕怨

珠閣星河爛鐵關笑語譁五雲聽帝樂九市逐仙車火

結連枝樹燈懸並蒂花夜堂人不寢明月照誰家

歲旦怨

年年留使館元日與親違惆悵三珠樹淒涼五色衣誰
能甘白粲何意理朱微鴻鴈棲栖別高堂淚獨揮

牡丹

誰家醉西子何處覓南威綵樹春三月雕欄錦一圍光
含紅玉珮香泛紫霞衣舒氏賦英物獨窺天地機

清明

惆悵海棠節遲回婁室城霜臺春自冷寒食雨初晴徑
狹蘭芽細池枯荇葉橫只緣憂國事不覺是清明

窮冬

窮冬消物色飛雪掩花根親去玄堂冷愁來白日昏奔
馳空自苦涕泣向誰言元振今希接麻衣莫叩門

秋懷

寂坐當澄景何人解習吹蟬驚過小閣鶴靜浴芳池丹
葉鏘鏘動白雲冉冉移秋風暮天起分外使人悲

清涼宜晚坐蕭瑟向秋叢花愛芙蓉圍聲憐蟋蟀籠臨
書羞奪席走筆憶翻空榻上不成寐高懷未可窮

謁先隴

目隨牛塢斷雲逐鴈堂浮啼鳥依紅樹愁人擁翠丘松
楸七月冷風雨四時秋慈母在何處椒漿空瓦甌

淨居寺

為息野蔡處士重修述

賢人耀靈蹟香刹起重熏蜃殿凌蒼漢虹梁掛白雲山
危三草合塵斷七花分多爾有真意一施動汝濱

施一齋赴京

對床幾密友離舍促飛觴雲洗暮天淨風連秋日長獨
憐騷裹骨初解芰荷裳去去徵賢會休歌玉女湯

羅西湖處士

逃名羞雉伏投老上龜臺夜識玄珠餌春行白玉杯泛
濤雲接棹倚樹月連梅野外渾無事不妨麋鹿來

哀鶴

予蓄有二鶴乃雌者斃而雄守涼賦哀鶴二首

竒禽藏積歲靈匹失中途風剪金衣斷霜飄玉羽孤青

城憐道士玄路泣仙姑歌罷商陵曲不堪步綠蒲
每愛霜毛並誰知月羽分青田悲故侶紫嶂惜離群琴
響凌風立簫聲帶月聞懸懸如有思終日望秋雲

妻亡父素庵趙公庄

只尺連城外蕭條處士家牧人驅晚犢穉子灌秋花水
嚙長河岸鳥啼老樹柯幾年翁不見只有舊煙霞

壽淮原崔隱君

修齡耀南極散髮嘯東菑神向碧琳凡靜窺玄谷芝高

雲分玉籀濃露長瓊枝早得長生訣不持金屈卮

鍾節婦

弱齒憐飛旒衰顏帶哭痕霜高玄女宅月皎素薰門幽
夜晴疑雨孤村棘作藩栢髮光漢史况是子孫蕃

村舍

塵斷蒼波繞村幽紫嶂臨晴沙隨豕跡風葉送禽音誰
共兔園冊獨憐鷗社吟四時有真賞危物不關心

半生

尚子多家累長卿倚病居秋風荒草色明月小窓書澹
泊憐生事蕭條理舊廬未占百年蹟已愧半生虛

雲臺子

物外雲牙子山居厭臭腥煉心含赤氣調性悅玄靈金
鼎星辰藥玉窻龍虎經凡籠還我愧何以到殊庭

雪霽

有感

雪霽跨車出山寒度鳥停黃雲開片片白日射星星虎
下淮村急狼臨燕水腥何當問真宰南北幾時寧

劉公忠誠錄

諫武廟南巡者

抗言停御輦正色蕩妖祲碧化萇弘血赤懸汲氏心士
身輕一死王國重千金炯炯留生氣燕山洛水陰

書徐同城諏仕卷

弱歲論交舊秋風送別情芙蓉憐晚色鴻鵠聽高鳴霜
下燕山冷雲開易水平一鞭從此去萬里擬橫行

畿署吏隱亭秋夜

落日慙荒署十年滯一官竹埤青影合栢宇翠陰寒譜

律情偏懶悲秋意未闌政閑真吏隱寂坐月團團

含羞

臺冷憐秋草時危憶故遊暮林孤鶴住煙屋老鴉愁報
主心虛切學仙志未酬荒官無益事日日坐含羞

北畿道中

歲惡燕鄉急山空漢驛悲凍兒爭剝樹饑口亂啖屍天
與塵沙接風將鴻雁移若非醫國手何以慰瘡痍

夔門扶病吟

誰識麝香路獨憐魚復城形容摧綉斧骨肉憶窳嬰峽
影風波共開客心花鳥驚蹉跎飛不去轉切五雲情

西役精神減東瞻惆悵空閉門悲圈鹿落日斷飛鴻雲
隱黃陵廟山高白帝宮故鄉在萬里消息幾時通

三蜀看不極二年巡未休巢鳥迷野樹歸鶴叫江樓衣
向翠微濕魂將黑霧浮羈留人不去何異一幽囚

江勢向東翻病居消北魂杜陵詞賦客夔國風雨門鸞
鷺憑誰問鵲鴿空自言別來無限苦山外哭玄猿

未作歸田隱獨憐伏枕忙一身留滯瀕五月戒舟航不
見北來使空勞西極方兒童無一字終日斷肝腸
愁坐文書亂馴堦鳥雀稀病來空自惱死去向誰依一
生還累業萬里愧征衣御史艱危署何言藥力微
誰說人怨我不言我怨誰自傷談虎色只想釣魚絲好
醜仍開鏡安危未擇枝行臺原作惡况有病來時
歷官已羞澁候代獨遲回山署雲為伴水關煙不開思
從庾信起病向馬卿來日月淹三峽何時朝帝臺

武侯祠望八陣圖

亂雄稍外懾炎祚擬中興水急風雲動山高龍虎憑陰
崖橫翠栢靈屋覆蒼藤萬古壯三峽不勞泣少陵

宿資陽百福寺

迫暮關防苦凌虛節芥涼山形連紫漠夢景入黃梁風
送顛麟容雲含薜荔牀刹那終未解空自宿禪房

梁山蟠龍洞

距路二里許予得覽
其奇焉迺率然口占

每向俗邊問還從幽裏尋靈霄流幻影秘水帶寒陰雲

鎖玄虬宅煙分白玉簪好山看不盡空切古人心

愛蟠龍洞石乳垂浸取而飲焉故述

竒哉龍乳浸采之天使嘗一杯六塵淨兩杯五腹涼澄
光勝琬液甘滋比瓊漿願爾作霖雨長得沾窮荒

不寢時又客夔府
議賑故述

菜色從何答蘭思仍未平神鷹空絕伴老馬負餘生山
淨雲霞府江晴蛇鳥營依依荒飽夜不寢聽鍾鳴

淮鄉猶阻絕巴國半彫傷淚向魚池落愁隨鴈戶長上

書慙汲黯執法謝張綱露坐銀河徙更闌意不忘

孤臺興不成月下走江聲夜色憐銅史雲光動玉京虛

生鶴鵠鳥深愧鳳凰鳴鬱鬱癡床業無能答聖明

苦絕

使身苦已絕天意復何如山近驚糜康臺空看薜蘿獨
留白帝館誰撰朱明歌不忍望巫峽何能旋軫過

病來出使苦暑極閉門幽赤焰蒸三伏紅雲動九州文
移向榻厭局促柳渾愁焉得如飛鶴飄飄海上遊

不了

不了塵勞業虛懷供奉班
放衙臨白霧倚坐見青山影
滯夔江國心飛燕水關
羈臣仍未去日日帶愁顏

憂劇賊黃俊稱亂

雲暗三江樹風吹五月塵
楚軍憂赤甲夔子亂黃巾
猛虎未能下貪狼不可馴
何當一飛戟掃穴報楓宸

立秋

淮上一為別巴江三立秋
客如山不動日似水長流
霜鴈嘶蘆去風蟬抱荻
詎雄飛何可得空自憶滄洲

不見豚兒面天涯了業緣
金飈來曠野玉樹隔層煙
潦倒霜臺客遲留雲石川
離愁饒萬里那照日華邊

候代夔州

夏月仍秋月秦隣復楚隣
風含禽在鞞水近魚懸綸
候代苦不至思歸情未陳
帝家重民落誰惜一羈臣

晚過夷陵鬼見愁山眺紅崖寺

未修康樂屐每作盧敖遊
秋樹黃金剎暮天丹玉丘
雲

低疑海闕煙薄瞰江州喜與靈霄近誰言鬼見愁

出蜀過野馬荒

心飛嵩嶽上馬度板溪濱迴磴盤蒼木亂峰屯白雲風
塵萬里遠楚蜀一橋分幸我脫勞役歸朝謁 聖君

巡事得代過夷陵登三遊洞

泛江挈薄棹尋勝向幽樞雲霧千靈宅乾坤一玉壺倚
巖睨白浪選石坐青蕪回首巴西峽還憐舊蹟孤

感歲華

一生憐苦事五月正炎州鳥變青山宅花飛蒼水洲歲
華惜已半

王命擬何酬奔走天涯客蠻言空自愁

綿州夜坐

此身萬里外遙夜一含情風亂芭蕉響亭空蝙蝠鳴翻
書添短燭掃榻坐殘更巡到金山署心飛玉帝城

受齋年兄精舍

靜從霞外賞深避郭中塵選勝開玄室憑虛見紫宸誰

懸金背鏡獨擬玉山人何日一相訪傾心對榻論

明遠樓

同藩臬為陽周侯葵峯黃侯
鶴臺楊侯鹿涯胡侯晚坐

蕙樓掛南月棘花鎖西風兵渡漁陽夜戰收肥水功龍
文過鄒衍鳳藻失揚雄相期採華彥無忘為國忠

秋日

淹留萬里客愁苦一年心隔市鳴秋笛連牆敲暮砧蟬
驚移樹遠雀闌入花深空切羈臣歎不堪遊子吟

鬱鬱在羈旅蕭蕭入暮天兩淮芳草外三晉斜陽邊國

事憂兵甲身謀荒石田孤懷殊未下懶對玉鈐篇

露浮桐葉冷水近菽花肥燕雀巢官舍龜龍縛釣磯火

星已西下節使未東歸歌罷回風曲秋容滿客衣

瑞泉亭小坐

遊子坐池上孤荷開水紋亭當虞坂午窓落稷山雲六
月暑不到三秦煙自分獨憐採鹽者揮汗赤紛紛

月明

寂寞青山館凄涼白石池斷風空露坐短角動離思鴉

度驚邊木鵲翻巢裏枝夜涼抱孤緒獨有月明知

石假山

何年採鬱林水骨晝陰陰闥近芙蓉洞惚含玳瑁岑紫
葵嬌玉笋蒼蘚繡瑤簪公暇一留賞聊開羈縻心

重午

岑寂過芳節迢遙憶上都自吟天子鏡誰見越人鳧官
舍空懸艾客觴仍泛蒲願平黑山虜不用赤靈符

白遂閑

九十翁也謝令而歸
善內學詩以道之

懶向塵勞去閑尋道德篇靈梯者已近迷海悟還先誰
抗紫毛節獨行赤混天王蟾今不老我欲聽談玄

侯馬驛

澹水波光細桐鄉野色閑飛橋一線路曲澗九盤關旗
升風吹帶馬行塵撲頰郵童能道我訪俗過層山

上黨

節旄萬里至晉宋一城分目斷中條樹身依上黨雲黃
沙悲滯客丹闕戀明君空取流陰操不堪對臘聞

行役

一函金鳳節萬里鐵驄鞍漢驛憐迢迢燕川望渺漫隔
年衣履破拂露羽旄寒羈綫臣之職不憂行路難

海會寺

同孟小谿王及
泉二君有作

山高去天近夜迥聽經長法星臨慧閣明月過禪堂不
見赤銅葉誰分白乳光交遊得王孟逸興切文昌

太行

西路山川盡東州煙霧開心河白一線上黨翠千迴馬

向危邊去人從空外來週遊在何處草落孟良臺

河內 懷許魯齋何
拍齋故云

迫立晉中嶺徐看河內城竹連山郭淨桑逐水田生

明國推何子元家得許衛高風何處仰王屋暮雲平

百泉書院

波文如珠跳星翻遂呼
釣舡魚馬覽而漫述

煙斷孫登谷光連共伯城翠苔嬌水色白石走波聲歌
席三洲淨漁舡一葉橫依稀星宿海人在使槎行

紀悶

鷓鴣飛不去 驟裏步何遲 未遂乞田賞 空懸菌閣思 十
年愁似海 百事滯如縻 夏竦不知命 還吟青雀詩

旅病

伏枕燕山曲 迎醫滏水涯 病顏愁對鏡 客夢只還家 雲
帶凌空鳥 風翻裊露花 宦遊無慧劍 何以說金沙

烏啼

楊柳過春壁 薜蘿放暖堤 病懷青館卧 鄉夢白雲樓 迥
立悲天馬 淹流愧野麀 煩愁不可下 終日聽烏啼

